

DIARIO Estilo, Moda y Belleza

DIAMARS 13 FEBRUARI 2001- PAGINA 1

SPECIAL DI SAN VALENTINO

Pa: Aureen y Siomara

HISTORIA DI SAN VALENTINO.....

Tur Februari, rond di mundo, mangel nan, flor y regalo ta ser intercambia pa parehanan enamora, amigonan tur bao e number di San Valentino.

Realmente ken ta e misterioso santo aki y cu nos ta celebra su dia ?

E historia di San Valentino a bira uno di misterio.

Loke cu si ta sigur ta cu Februari a bira un luna di amor pa basta tempo caba.

Nos sa si cu e historia ta conta di e religion cristiano y tradicionnan Romano.

Asina ta ken ta e Santo aki y con el a bin na asocia su mes cu e dia di amor y amistad?

Awendia misa catolico ta reconoce 3 diferente Santo Valentino of Valentinius cu a ser tortura.

Leyenda ta conta cu San Valentino tabata un pastoor cu a traha durante e tercer siglo na Roma.

Emperador Claudius II a tuma decision cu hombernan soltero no tabata tin mag di casa pa asina nan dreña den ehército y bira soldad.

San Valentino a realiza e inhusticia cu e emperador ta haciendo cu parehanan hoben cu no por casa cu otro.

Rechazando e decision di Emperador San Valentino a sigui casa pareha nan hoben den secrecia.

Emperador a haya sa cu San Valentino tabata casa hende maske cu tabata tin un ordo pa no casa parehanan hoben, e la manda sera San Valentino pa despues mate.

Otro storianan ta sugeri cu San Valentino lo a ser mata pa motibo di a yuda Cristiannan scapa di bay sera na Roma unda cu na tabata ser na bati nan te mata nan.

Di acuerdo cu e leyenda, San Valentino actualmente a manda e prome carta di San Valentino.

Durante cu e tabata den prison na ser sospecha cu e la enamora na yiu muher di un guardia cu tabata bishita den prison.

E la skirbi cartanan pa e mucha muher firmando nan: "Di bo Valentino" un expresion cu ainda ta ser usa. San Valentino tabata un homber simpatico, heroico y mas importante romantico. No ta un sorpresa cu den e tercer siglo San Valentino tabata e santo di mas famoso y admira na Inglatera y Francia.

